

Izvještaj o aktivnostima Uprave policije Ministarstva unutrašnjih poslova Kantona Sarajevo za juni 2023. godine

1. Kriminalitet

1.1. Statistički pokazatelji

Prema službenim evidencijama Uprave policije MUP-a Kantona Sarajevo u junu 2023. godine, na području Kantona Sarajevo registrovano je 299 događaja s obilježjem krivičnog djela (20 ili 6,3% manje u odnosu na isti mjesec prethodne godine).

Od ukupnog broja registrovanih događaja s obilježjem krivičnog djela, 130 ili 43,5% je evidentirano po poznatom izvršiocu, a 169 ili 56,5% po nepoznatom izvršiocu. Od ukupnog broja događaja evidentiranih po nepoznatom izvršiocu, naknadno su rasvijetljena 64 ili 37,9% (6,6% više) od čega je 26 događaja evidentirano u mjesecu junu, a 38 u ranijem periodu.

OSNOVNI STATISTIČKI POKAZATELJI O DOGAĐAJIMA S OBILJEŽJEM KRIVIČNOG DJELA
U JUNU 2023/22. GODINE

mjesec	Broj događaja s obilježjem krivičnog djela			Broj naknadno rasvijetljenih događaja po NN izvršiocu		Broj evidentiranih lica			Broj lica lišenih slobode
	ukupno	od toga		ukupno	iz ranijeg perioda	ukupno	od toga		
		po poznatom izvršiocu	po NN izvršiocu				maloljetnici	povratnici	
Juni 2023.	299	130	169	64	38	176	9	104	85
Juni 2022.	319	156	163	51	40	199	6	116	80
usporedba	-20	-26	6	13	-2	-23	3	-12	5
	-6,3%	-16,7%	3,7%	25,5%	-5%	-11,6%	50%	-10,3%	6,3%

Za izvršenje događaja s obilježjem krivičnog djela prijavljeno je 176 osoba (23 manje), od čega 104 povratnika u vršenju krivičnih djela - 12 manje (59,1% od ukupnog broja prijavljenih), devet maloljetnika (tri više), a 85 osoba je lišeno slobode (pet više).

Za događaje s obilježjem krivičnog djela, koji su evidentirani u junu 2023. godine, prema izjavama oštećenih, nastupila je materijalna šteta u ukupnom iznosu od 358.338,60 KM, 28.585,00 €, 8.085,00 \$ i 4.005,00 £.

Uprava policije MUP Kantona Sarajevo je Kantonalnom tužilaštvu Kantona Sarajevo prosljedila na odluku putem administrativnog djelovodnika ukupno 98 obavijesti (76 manje) od kojih je 12 naknadno rasvijetljeno (25 manje) i prosljedeno tužilaštvu pod brojem krivičnog upisnika Uprave policije MUP-a Kantona Sarajevo kao događaj s obilježjem krivičnog djela

TABELARNI PREGLED DOGAĐAJA S OBILJEŽJEM KRIVIČNOG DJELA EVIDENTIRANIH U JUNU 2023/22. GODINE NA PODRUČJU KANTONA SARAJEVO PREMA KRIVIČNOM ZAKONU FBiH I BiH-a

KZ FBiH i KZ BiH	Juni 2023.	Juni 2022.	Usporedba ukupnog broja događaja s obilježjem krivičnog djela		Broj događaja po poznatom izvršiocu	Broj događaja po NN izvršiocu	Ukupan broj naknadno rasvijetljenih događaja	
			+/-	%			Broj	%
Protiv života i tijela	8	21	-13	-61,9%	6	2	1	50%
Protiv slobode i prava čovjeka i građanina	18	23	-5	-21,7%	15	3	2	66,7%
Protiv spolne slobode i morala	4	2	2	100%	3	1	1	100%
Protiv braka porodice i mladeži	15	29	-14	-48,3%	15	0	0	-
Protiv zdravlja ljudi	33	16	17	106,3%	33	0	0	-
Protiv imovine	191	179	12	6,7%	37	154	59	38,3%
Protiv okoliša	2	1	1	100%	1	1	0	-
Protiv opće sigurnosti ljudi i imovine	8	13	-5	-38,5%	2	6	1	16,7%
Protiv sigurnosti javnog prometa	7	12	-5	-41,7%	7	0	0	-
Protiv pravosuđa	1	4	-3	-75%	0	1	0	-
Protiv javnog reda i pravnog prometa	11	9	2	22,2%	10	1	0	-
Protiv podmićivanja (...)	0	5	-5	-	0	0	0	-
Protiv čovječnosti i vrijednosti zaštićenih međunarodnim pravom	0	1	-1	-	0	0	0	-
ZONDINOM	1	4	-3	-75%	1	0	0	-
UKUPNO	299	319	-20	-6,3%	130	169	64	37,9%

1.2. Pregled događaja sa obilježjem krivičnog djela po oblastima

1.2.1. Protiv života i tijela

Tokom juna 2023. godine evidentirano je osam događaja sa obilježjem krivičnog djela iz oblasti protiv života i tijela (13 manje) i to šest po poznatom i dva po nepoznatom izvršiocu. Evidentirano je:

- ubistvo (član 166. KZ FBiH) – jedan događaj,
- teška tjelesna ozljeda (član 172. KZ FBiH) – pet i
- laka tjelesna ozljeda (član 173. KZ FBiH) – dva događaja.

Nadležnom tužilaštvu podneseni su službeni izvještaji protiv osam osoba, od koji je pet povratnika u vršenju krivičnih djela (62,5%), a šest osoba je lišeno slobode.

1.2.2. Protiv slobode i prava čovjeka i građanina

Evidentirano je 18 događaja s obilježjem krivičnog djela (pet manje) i to: ugrožavanje sigurnosti, za čije je izvršenje prijavljeno 15 osoba, od kojih je devet povratnika (60%), a četiri osobe su lišene slobode.

Događaji su evidentirani na području sljedećih općina: Novi Grad – osam, Centar, Ilidža, Vogošća i Ilijaš – po dva, Stari Grad i Novo Sarajevo - po jedan događaj.

1.2.3. Protiv braka, porodice i mladeži

Evidentirano je 15 događaja s obilježjem krivičnog djela (14 manje) i to nasilje u porodici – 14 i trgovina ljudima – jedan događaj, za čije izvršenje je prijavljeno 15 osoba, od kojih je devet povratnika (60%) i devet osoba je lišeno slobode.

1.2.4. Protiv zdravlja ljudi

Evidentirana su 33 događaja s obilježjem krivičnog djela iz oblasti protiv zdravlja ljudi (17 više) i to:

- neovlaštena proizvodnja i stavljanje u promet opojnih droga (čl. 238. KZ FBiH) – četiri i
- posjedovanje i omogućavanje uživanja opojnih droga (čl. 239. KZ FBiH) – 29 događaja.

Nadležnom tužilaštvu podneseni su službeni izvještaji protiv 32 osobe, među kojima je 19 povratnika (59,4%) i 19 osoba je lišeno slobode.

Policijski službenici Uprave policije su Kantonalnom tužilaštvu Sarajevo podnijeli službeni izvještaj protiv četiri osobe zbog postojanja osnova sumnje da su u proteklom periodu u više navrata kupovali opojnu drogu "Marihuana" i "Amfetamin", od za sada nepoznatih osoba, na raznim lokalitetima, istu prepakivali, a zatim vršili prodaju konzumentima na području Kantona, čime su počinili krivično djelo iz člana 238. KZ FBiH-a (Neovlaštena proizvodnja i stavljanje u promet opojnih droga), a protiv 29 osoba koja su navodili druge osobe na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Amfetamin", "Heroin", itd.) čime su počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U MJESECU JUNU 2023/22. GODINE

Vrsta	Jun 2023.	Jun 2022.
Marihuana (paketići)	11	9
Marihuana (u gramina)	83,25	1.090,615
Amfetamin (paketići)	6	---
Amfetamin (u gramima)	49,295	41,801
Ecstasy (tablete kom.)	48	1
Speed (komada)	3	6
Speed (u gramima)	---	0,918
pribor s ostacima droge (komada)	58	4

1.2.5. Protiv imovine

Evidentiran je 191 događaj s obilježjem krivičnog djela protiv imovine (37 po poznatom i 154 po nepoznatom izvršiocu) što je za 12 ili 6,7% više u odnosu na isti mjesec prošle godine. Evidentirano je:

- teška krađa (član 287. KZ FBiH) – 85 (19 više),
- krađa (član 286. KZ FBiH) – 51 (21 manje),
- oštećenje tuđe stvari (član 293. KZ FBiH) – 23 (četiri više),
- razbojništvo (član 289. KZ FBiH) – 23 (16 više),
- utaja (član 290. KZ FBiH) – četiri (tri više), itd.

Nadležnom tužilaštvu podneseni su službeni izvještaji protiv 76 osoba, od kojih je 50 povratnika (65,8%), a 30 je lišeno slobode. Od ukupno 154 događaja evidentiranih po nepoznatom izvršiocu iz oblasti protiv imovine naknadno je rasvijetljeno 59 ili 38,3% što je za 14,3% više u odnosu na juni 2022. godine.

Tokom juna, prema objektima izvršenja teških krađa, 30 je izvršeno u stambene objekte (12 više), 27 u motorna vozila (16 više), 26 u prodavnice i druge poslovne prostorije (četiri manje) i dvije na ulici (četiri manje).

Evidentirano je pet **otuđenja motornih vozila**, od čega su dva pronađena i vraćena vlasnicima. Broj otuđenih motornih vozila u odnosu na uporedni mjesec povećan je za jedan ili 25%.

Evidentiran je 51 događaj s obilježjem krivičnog djela **krađe** (21 manje) i to: na ulici – 21, u poslovnim prostorima – 18, u stambenim objektima - pet, u vozilima i na stajalištima GRAS-a – dva događaja, itd. odakle su otuđivani mobiteli, novčanici, prehrambeni proizvodi, bicikli, električni romobil, alati, hidranti, itd.

Evidentirana su četiri događaja s obilježjem krivičnog djela **teških krađa na naročito opasan ili naročito drzak način** (jedan manje), u kojima su izvršiocu, upotrebom fizičke snage u dva slučaja i prijetnjom upotrebe fizičke snage u dva slučaja, otimali mobitele i ruksake na ulici. Nadležnom tužilaštvu podnesen je službeni izvještaji protiv dvije maloljetne osobe, povratnike u činjenju krivičnih djela, koje su lišene slobode.

U junu su registrovana 23 događaja s obilježjem krivičnog djela **razbojništva** (10 po nepoznatom i 13 po poznatom izvršiocu). Razbojništva su izvršena prijetnjom upotrebe vatrenog oružja - pet, prijetnjom upotrebe noža ili drugog oštrog predmeta – 14 i upotrebom fizičke snage – četiri puta, a počinjena su u poslovnim prostorijama – devet, u stambenim objektima – sedam, na ulici - pet u sportskoj kladionici i na benzinskoj pumpi – po jednom. Otuđivani su mobiteli, novac i nakit.

Nadležnom tužilaštvu podneseni su službeni izvještaji protiv 13 osoba, među kojima je osam povratnika (61,5%), pet maloljetnika, a devet osoba je lišeno slobode. U izvještajnom mjesecu naknadno su rasvijetljena dva događaja koja su evidentirana po nepoznatom izvršiocu u ranijem periodu.

1.2.6. Protiv opće sigurnosti ljudi i imovine

Evidentirano je osam događaja (pet manje) - izazivanje opće opasnosti, a nadležnom tužilaštvu podneseni službeni izvještaji protiv tri osobe, povratnika u činjenju krivičnih djela.

1.2.7. Protiv javnog reda i pravnog prometa

U ovoj oblasti evidentirano je 11 događaja s obilježjem krivičnog djela (dva više) i to: nasilničko ponašanje i napad na službenu osobu u vršenju poslova sigurnosti – po četiri, nedozvoljeno držanje oružja ili eksplozivnih materija – dva i krivotvorenje isprave - jedan događaj. Nadležnom tužilaštvu podneseni su službeni izvještaji protiv deset osoba od kojih je pet povratnika (ili 50%), a dvije osobe su lišene slobode.

1.3. Događaji s obilježjem krivičnog djela u kojima su učestvovali maloljetne osobe

U junu 2023. godine evidentirano je 13 događaja s obilježjem krivičnog djela, u kojima je učestvovalo devet maloljetnih osoba (jedan povratnik u vršenju krivičnih djela). U odnosu na uporedni period, broj događaja s obilježjem krivičnog djela povećan je za četiri ili 44,4%, a broj maloljetnika povećan je za tri ili 50%.

OSNOVNI STATISTIČKI POKAZATELJI O DOGAĐAJIMA S OBILJEŽJEM KRIVIČNOG DJELA U KOJIMA SU UČESTVOVALI MALOLJETNICI
U JUNU 2023/2022. GODINE

	Broj događaja s obilježjem krivičnog djela	Broj evidentiranih maloljetnika	Broj povratnika
JUNI 2023. GODINE	13	9	1
JUNI 2022. GODINE	9	6	2
usporedba	4 ili 44,4%	3 ili 50%	-1 ili 50%

TABELARNI PREGLED DOBNE STRUKTURE PRIJAVLJENIH MALOLJETNIH IZVRŠILACA
U JUNU 2023/2022. GODINE

	do 14 godina	od 14 do 16 godina	od 16 do 18 godina	ukupno
JUNI 2023. GODINE	2	5	2	9
JUNI 2022. GODINE	---	4	2	6
usporedba	2	<i>1 ili 25%</i>	-	<i>3 ili 50%</i>

STRUKTURA DOGAĐAJA SA OBIJEŽJEM KRIVIČNOG DJELA U KOJIMA SU UČESTVOVALA
MALOLJETNICI U JUNU 2023/2022. GODINE

Naziv krivičnog djela	Juni 2023.	Jun 2022.	+-%
Teška tjelesna ozljeda	1	1	<i>isto</i>
Laka tjelesna ozljeda	2	2	<i>isto</i>
Silovanje	1	---	<i>1</i>
Teška krađa na naročito opasan ili naročito drzak način	1	---	<i>1</i>
Razbojništvo	7	5	<i>2 ili 40%</i>
Oštećenje tuđe stvari	---	1	<i>-1</i>
Nasilničko ponašanje	1	---	<i>1</i>
Ukupno	13	9	<i>4 ili 44,4%</i>

1.4. Ostala protivpravna i asocijalna ponašanja

1.4.1. Aktiviranje minsko-eksplozivnih sredstava

U toku juna 2023. godine na području Kantona Sarajevo evidentirana su dva događaja aktiviranja minsko-eksplozivnih sredstava (tri u mjesecu junu 2022. godine) usljed čega je nastupila materijalna šteta. Preduzimaju se aktivnosti na rasvjetljavanju navedenih događaja sa obilježjem krivičnog djela i pronalaženju učinilaca.

Na području Kantona Sarajevo evidentirana je jedna anonimna dojava o postavljenoj eksplozivnoj napravi (32 u junu 2022. godine), a odnosila se na Općinski sud Sarajevo. Nakon KDZ pregleda utvrđeno je da je dojava bila lažna.

1.4.2. Požari

Tokom juna 2023. godine, na području Kantona Sarajevo registrovano je 13 požara (četiri više), koji su za posljedicu imali materijalnu štetu. Požari su registrovani na području općina: Novo Sarajevo - pet, Centar - tri, Novi Grad - dva, Ilidža - dva i Ilijaš - jedan požar.

Prema statističkim pokazateljima, pet požara je izazvano namjerno, tri zbog tehničkih nedostataka, dok uzroci pet požara spadaju u kategoriju ostalih.

Požari su registrovani u:

- saobraćajnom sredstvu – šest,
- stambenom objektu - tri,
- poslovnom prostoru - dva,
- pomoćnom objektu - jednom,
- ostalim objektima - jednom.

1.4.3. Samoubistva

Registrovano je jedno samoubistvo (dva manje).

1.4.4. Ostale aktivnosti

U sklopu aktivnosti na oduzimanju nelegalno posjedovanog oružja i drugih predmeta oduzeto je, pet pištolja, šest noževa, tri petarde i 71 komad municije raznog kalibra.

Fizičkim licima izdato je 205 odobrenje za nabavku vatrenog oružja i 130 oružnih listova.

2. Javni red i mir

U toku juna 2023. godine u oblasti protiv javnog reda i mira evidentirano je 395 prekršaja (148 ili 27,3% manje u odnosu na isti mjesec 2022. godine), za čije izvršenje je prijavljeno 405 lica (168 ili 29,3% manje), od čega su 103 povratnika u činjenju prekršaja (46 manje). Na prekršaje utvrđene Zakonom o prekršajima protiv javnog reda i mira odnose se 354 prekršaja (ili 89,6%), a na prekršaje koji su utvrđeni Odlukom općinskih vijeća o javnom redu i miru 41 (ili 10,4%).

Zbog učinjenih prekršaja u oblasti protiv javnog reda i mira izdato je 345 naloga (90 manje) i podneseno je 50 zahtjeva za pokretanje prekršajnog postupka (58 manje).

Od ukupnog broja prijavljenih, prema starosnoj strukturi učinilaca prekršaja, najbrojniji su u dobi preko 36 godina (181), između 26 i 35 godina (157), između 19 i 25 godina (65) i do 18 godina (dva) lica.

Prilikom narušavanja javnog reda i mira nije bilo teže povrijeđenih lica (isto kao u junu 2022. godine), dok je osam osoba (šest manje) lakše povrijeđeno.

Najveći broj prekršaja evidentiran je u PU Novi Grad (110 ili 27,8%), a najmanje u PU Hadžići i Trnovo (devet ili 2,3%).

U odnosu na uporedni period, registrovano je smanjenje broja evidentiranih prekršaja u svim policijskim upravama, osim PU Novi Grad gdje je evidentirano povećanje za 48 ili 60,7% prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA ZA JUNI 2023/2022.GODINA

	JUNI 2023.	JUNI 2022.	razlika
Prekršaji iz Zakona o JRiM			
Tuča	20	27	-7 ili 25,9%
Naročito drsko ponašanje	42	56	-14 ili 25%
Odbijanje naređenja i omalovažavanje PS	31	27	4 ili 14,8%
Neovlaštena upotreba oružja	---	---	---
Paljenje petardi	3	---	3
Prosjačenje	146	260	-114 ili 43,8%
Svađa, vika, nepristojno ponašanje	7	15	-8 ili 53,3%
Uživanje opojne droge na javnom mjestu	35	13	22 ili 169,2%
ostali prekršaji iz Zakona o JRiM	70	90	-20 ili 22,2%
Prekršaji prema Odluci općinskog vijeća o JRiM	41	55	-14 ili 25,4%
UKUPNO	395	543	-148 ili 27,3%

Prema mjestu izvršenja, najveći broj prekršaja evidentiran je na ulicama, trgovima, putevima i drugim otvorenim prostorima (379 ili 95,9% od ukupnog broja), a znatno manje na ostalim mjestima – devet, u školama i školskim dvorištima – tri, ugostiteljskim objektima – tri i u trgovinama i zanatskim radnjama – jedan prekršaj. U odnosu na isti mjesec 2022. godine, smanjen je broj evidentiranih prekršaja na ulicama, trgovima, putevima i drugim otvorenim prostorima za 134, na ostalim mjestima za 10, u školama i školskim dvorištima za pet i u vozilima javnog saobraćaja za jedan, dok je povećan broj u ugostiteljskim objektima za jedan prekršaj.

Na području Kantona Sarajevo u junu 2023. godine održano je 148 javnih skupova (119 ili 44,6% manje). Policijski službenici Uprave policije proveli su planske aktivnosti za bezbjedno održavanje javnih skupova i izvršili 62 KDZ osiguranja.

3. Saobraćaj

Na području Kantona Sarajevo u junu 2023. godine su registrovane 732 saobraćajne nezgode (89 ili 13,8% više), od čega je 660 s materijalnom štetom (107 ili 19,3% više) i 72 s nastradalim osobama (18 ili 20% manje).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U JUNU 2023/22. GODINE

	Jun 2023.	Jun 2022.	razlika
UKUPNO SAOBRAĆAJNIH NEZGODA	732	643	89 ili 13,8%
Saobraćajne nezgode s nastradalim osobama	72	90	-18 ili 20%
Saobraćajne nezgode s materijalnom štetom	660	553	107 ili 19,3%
POGINULI	0	1	-1
vozači	0	0	----
putnici	0	0	-----
pješaci	0	1	-1
POVRIJEĐENI	93	110	-17 ili 15,4%
vozači	47	66	-19 ili 28,8%
putnici	25	28	-3 ili 10,7%
pješaci	21	16	5 ili 31,2%

Saobraćajne nezgode evidentirane su na području sljedećih općina: Novi Grad - 210, Centar - 185, Novo Sarajevo - 143, Ilidža - 86, Stari Grad - 47, Ilijaš - 21, Hadžići - 19, Vogošća - 14 i Trnovo - sedam saobraćajnih nezgoda.

Povećanje saobraćajnih nezgoda evidentirano je na području općina: Centar (za 97 ili 110,2%), Novo Sarajevo (za osam ili 5,9%), Ilijaš (za osam ili 61,5%) i Trnovo (za pet ili 250%). Smanjenje saobraćajnih nezgoda evidentirano je na području općina: Novi Grad (za 17 ili 7,5%), Hadžići (za četiri ili 17,4%), Vogošća (za četiri ili 22,2%), Ilidža (za tri ili 3,4%) i Stari Grad (za jednu nezgodu ili 2,1%).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U MJESECU 2023. GODINE (U NASELJU I VAN NASELJA)

	S NASTRADALIM OSOBAMA			S MATERIJALNOM ŠTETOM	UKUPNO	POSLJEDICE		
	s poginulima	s povrijeđenima				poginuli	teže povrijeđeni	lakše povrijeđeni
		teže	lakše					
u naselju	0	8	54	615	677	0	9	68
van naselja	0	1	9	45	55	0	1	15
UKUPNO	0	9	63	660	732	0	10	83

Prema kategoriji puta, najveći broj saobraćajnih nezgoda registrovan je:

- na ulicama u naselju – 474,
- na magistralnim putevima – 85,
- na lokalnim putevima – 78,
- na regionalnim putevima – 37,
- na putevima koji se ubrajaju u kategoriju ostalih – 58.

3.1. Posljedice saobraćajnih nezgoda

Tokom juna 2023. godine, u saobraćajnim nezgodama na području Kantona Sarajevo 93 osobe su povrijeđene (17 ili 15,4% manje), 10 teže (četiri ili 28,6% manje) i 83 lakše (13 ili 13,5% manje), dok poginulih osoba nije bilo.

3.2. Povrijeđene osobe u saobraćajnim nezgodama

Od ukupno 93 povrijeđene osobe, evidentirano je: 47 vozača (tri teže i 44 lakše), 25 putnika (tri teže i 22 lakše) i 21 pješak (četiri teže i 17 lakše).

Starosna struktura nastradalih osoba u saobraćajnim nezgodama:

- ispod šest godina – tri,
- od 6 do 17 godina – devet,
- od 18 do 20 godina – šest,
- od 21 do 24 godine – 11,
- od 25 do 30 godina – 14,
- od 31 do 40 godina – devet,
- od 41 do 50 godina – 15,
- od 51 do 65 godina – 14,
- 66 i više godina – 10,
- nepoznata starosna dob – dva.

Starosna struktura nastradalih vozača u saobraćajnim nezgodama:

- od 18 do 23 godine – devet,
- od 23 do 30 godina – 10,
- od 30 do 40 godina – sedam,
- od 40 do 50 godina – 11,
- od 50 do 60 godina – pet,
- 60 i više godina – četiri,
- nepoznata starosna dob – jedna osoba.

3.3. Uzroci saobraćajnih nezgoda

Na osnovu statističkih podataka i izvještaja o saobraćajnim nezgodama i nastradalim osobama, uzroci saobraćajnih nezgoda su:

- neprilagođena brzina – 87,
- nepropisno izvođenje radnji u saobraćaju – 161,
- nedržanje potrebnog odstojanja – 33,
- kretanje vozilom unazad na kratkom dijelu puta – 33,
- nedržanje vozila u kretanju što bliže desnoj ivici kolovoza – 10,
- prolazak kroz crveno svjetlo – četiri,
- negiranje prava prvenstva – tri,
- nezaustavljanje vozila ispred pješačkog prelaza – dva,
- obaveze vozača prema pješacima – dva,

- uticaj alkohola – jedna,
- neprilagođen brzina i nepropisno preticanje – jednom,
- propuštanje održavanje puteva – jednom,
- ostali uzroci – 394.

3.4. Aktivnosti policije iz oblasti sigurnosti saobraćaja

Tokom juna 2023. godine, policijski službenici Uprave policije MUP-a Kantona Sarajevo kontrolisali su:

- 20.555 vozila i vozača (2.957 više),
- 11.116 osoba u vozilima (2.104 više),
- pregledali 664 vozila (216 više) i 460 osoba u vozilima (šest više).

Zbog tehničke neispravnosti iz saobraćaja je isključeno 31 vozilo (19 manje), 279 vozača je zatečeno da upravljaju vozilom pod dejstvom alkohola (10 manje), 588 osoba bez korištenja sigurnosnog pojasa (21 više), 219 vozača bez položenog vozačkog ispita (48 više), 68 vozača pod izrečenom zaštitnom mjerom (14 više), 874 vozača je zatečeno da nepropisno koriste mobilni telefon tokom vožnje (476 više) i 1.456 vozila koja su učestvovala u saobraćaju bez važeće registracije (1.236 više).

Zbog kršenja propisa iz oblasti sigurnosti saobraćaja uručena su 20.072 prekršajna naloga vozačima (3.030 ili 17,8% više) i podneseno 208 zahtjeva za pokretanje prekršajnog postupka (25 ili 13,7% više).

Zbog neprilagođene brzine i prekoračenja dozvoljene brzine kretanja vozila, izrečene su 6.824 prekršajne sankcije vozačima, dok su za prolazak vozilom kroz raskrnicu na znak uključenog crvenog svjetla izrečene 133 prekršajne sankcije.

Registровано je sedam događaja s obilježjem krivičnog djela protiv ugrožavanja sigurnosti javnog prometa (pet ili 41,7% manje).

Policijski službenici Uprave policije su tokom juna organizovali akcije pojačane kontrole vozača, višestrukih povratnika u činjenju najtežih oblika prekršaja, s posebnim akcentom na prekršaje koji se odnose na prekoračenje dozvoljene brzine kretanja motornih vozila, prolaska kroz raskrnicu na znak uključenog crvenog svjetla, upravljanje motornim vozilom pod dejstvom alkohola, upravljanje motornim vozilom u vrijeme izrečene zaštitne mjere zabrane upravljanja motornim vozilom, upravljanje neregistrovanim vozilom ili nakon isteka važnosti registracije i vršenja nedozvoljenih radnji vozilom u saobraćaju.

S tim u vezi, od višestrukih povratnika u činjenju prekršaja iz oblasti ZOOPS-a oduzeto je ukupno 16 motornih vozila.

3.5. Mirujući saobraćaj i kontrola pješaka

Policijski službenici su tokom juna 2023. godine provodili aktivnosti u okviru saobraćaja u mirovanju i kontrole kretanja pješaka.

Vozačima koji su vozila nedozvoljeno parkirali na javnim površinama uručena su 6.604 prekršajna naloga (2.713 manje), upozoreno je 149 vozača (87 manje), a specijalnim vozilom "pauk" premještena su 222 vozila (96 više).

Pješacima koji su kršili propise uručena su 204 prekršajna naloga (50 više), a upozoreno je 11 pješaka (devet manje).

4. Zakonitost u radu

Tokom juna 2023. godine su registrovana četiri pojedinačna napada (tri više) na policijske službenike Uprave policije MUP-a Kantona Sarajevo. U napadima su učestvovala četiri punoljetna lica koja su u dva slučaja koristila fizičku snagu, a u dva slučaja oruđa i druge predmete.

Razmatrana je 31 predstavka na rad policijskih službenika. Odbor za žalbe javnosti Skupštine Kantona Sarajevo donio je zaključak da se za pet predstavki (sedam manje) provede unutrašnja istraga, za 24 predstavke je odlučeno da se izvrše provjere i prikupi dokumentacija, za jednu da je neosnovana, dok je jedna predstavka pripojena spisu. Sve predstavke su podnesene od strane građana.

Okončano je pet unutrašnjih istraga, od čega je Odbor donio zaključak da su u četiri slučaja istrage neosnovane, dok u jednom slučaju nije bilo dovoljno dokaza.

5. Rad policije u zajednici

U okviru Rada policije u zajednici, tokom izvještajnog mjeseca preduzimate su aktivnosti u cilju uspostavljanja saradnje s građanima, mjesnim zajednicama, predstavnicima vjerskih zajednica, raznim udruženjima građana i nevladinim organizacijama.

Policajci u zajednici su svakodnevno na terenu, kroz proaktivno djelovanje i kontakte s građanima, osobljem javnih ustanova, nevladinih i drugih organizacija, osiguravali stvaranje povoljnog ambijenta za život svih kategorija stanovništva.

Za učenike osnovnih i srednjih škola na području Kantona Sarajevo u junu je održano 11 edukativnih radionica „Stop vršnjačkom nasilju“ i „Cyberbullying“ na kojima je prisustvovalo 278 učenika i učenica osnovnih i srednjih škola.

Također, u okviru rada policije u zajednici tokom juna realizovane su i slijedeće aktivnosti:

- Organizovan pojačan obilazak autobuskih, tramvajskih i trolejbuskih stajališta, s ciljem prevencije izvršenja krivičnih djela i narušavanja javnog reda i mira,
- Ostvarivani kontakti s predstavnicima osnovnih i srednjih škola u Kantonu Sarajevo, s ciljem preventivnog djelovanja na različite neprihvatljive pojave u i oko školskih prostora,
- Učestvovanje na šest multisektorskih sastanaka u cilju preveniranja neželjenih događaja i ponašanja u i oko škola,
- Vođenje evidencija za poštivanje izrečenih zaštitnih mjera od strane Općinskog suda u Sarajevu iz oblasti nasilja u porodici, vršen obilazak i ostvarivan kontakt sa žrtvama nasilja kao i s nasilnicima, da bi osigurali poštivanje izrečenih zaštitnih mjera, veći stepen sigurnosti za žrtve, kao i preventivno djelovanje na eventualno ponavljanje nasilja,
- Ostvarivani kontakti s građanima iz reda romske populacije i migrantima, s ciljem preventivnog djelovanja na pojavu narušavanja javnog reda i mira, prosjačenja i činjenja krivičnih djela,
- Ostvarivani kontakti sa sekretarima i članovima savjeta mjesnih zajednica, u cilju unapređenja osjećaja sigurnosti i jačanja povjerenja građana u rad policije.

6. Migranti

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo u prihvatnim, azilantskim i imigracionim centrima boravi cca 1.029 migranata (521 ili 33,6% manje). U junu 2023. godine migranti su učestvovali u tri događaja s obilježjem krivičnog djela (dva ili 40% manje):

- Razbojništvo (čl. 289 KZ FBiH) – dva i
- Napad na službenu osobu u vršenju poslova sigurnosti – jedan događaj.

Službenici policije kontrolisali su pet migranata, od čega dva nisu posjedovali registracijski obrazac koji su predati službi za poslove sa strancima radi registracije i smješteni u prihvatni centar na području Kantona Sarajevo.

Sarajevo, 14.07.2023. godine

Pripremili: Odjeljenje za analitiku, planiranje i evidencije

Obradili: Odjeljenje za odnose s javnošću